



SYRJINTÄLAUTAKUNTA

Vealahanlávdegoddi

DISCRIMINATION TRIBUNAL

Vealahanlávdegoddi sáhtá gielddit vealaheami mii vuodduduvva etnihkalaš álgoboahpmušši

Vealahanlávdegottis leat ságadoalli ja guhitta eará lahtu sihke sin persovnnalaš várrelahtut. Lávdegottis leat ollesáigásaš áššegiedahalli ja čáli. Lávdegotti ságadoalli ja lahtut leat oasseáigásaš luohttámušolbmot.

Lávdegotti ságadoalli ja lahtuid doaibmaáigi lea njeallje jagi.

Vealahanlávdegotti ságadoalli, unnimusat golbma lahtu ja sin várrelahtut sihke čáli galget leat duopmára virgái dohkálaččat. Dasa lassin vealahanlávdegotti lahtut ja sin varrelahtut sihke áššegiedahalli galget leat vojujduvvan lávdegotti doaibmasuorgái.

Mearrádušat, mat gusket vealahanlávdegotti, gávdnojit ovttavewardásašvuohtalágas (2004/21), ja veahádatáittardeaddjis ja vealahanlávdegottis addojun lágas (2001/660 ja 2004/22) sihke stáhtaráđi ásašus ášši giedahallamis vealahanlávdegottis (2004/117).

Vealahanlávdegoddi addá vuoigatvuodalaččat geatnegahtton gielldomearrádušaid vealahanáššiin.



Vealahanlávdegoddi lea ovttavewardásašvuohtalága doahhtaleami bearráigeahčči stáhtaráđi ásahan iehčanas ja bealátkeahkes láchkageavahanorgána. Dan bargun lea addit riektesuoji daidda, geat leat muosáhan iežaset vealahuvvon sin etnihkalaš duogáza dihte.

Vealahanlávdegoddi sáhtá addit eará go bargoeallima áššiin gielldomearrádušas, mii guoská etnihkalaš vealaheami ja bidjat uhkkesáhku gielldomearrádušas beavttálmahttima várás sihke dubmet uhkkesáhku máksuibidjamii. Dan mearrádušain sáhtá ohcat nuppástusa hálddahasrievttis.

Vealahanlávdegoddi sáhtá nannet oassebeliid gaskavuoda soabada.

Vealahanlávdegoddi sáhtá addit cealkámušaid ovttavewardásašvuohtalága guoskadeamis duopmostuoluid, veahádatáittardeaddji dehe eará eiseválddi dehege searvvi bivdaga mielde áššis, mii guoská etnihkalaš vealaheami.

Vealahanlávdegottis lea vuoigatvuohtha gullat áššedovdiid, háhkat cealkámušaid ja čilgehusaid sihke ordnet dárkkistemiid.

Ohcamuša dahkan vealahanlávdegoddái

Ášši sáhtá doalvut vealahanlávdegotti giedahallamii dat, geasa vealahuvvot čuoččuhuvvon meannudeapmi čuohcá.

Maiddáí veahádatáittardeaddji sáhtá johttáhit ášši vealahanlávdegottis.

Ášši johttáhuvo čálalaš dehe elektrovnnalaš ohcamušain.

Ohcamuša sáhtá dahkat suoma-, ruota-, sáme- dehe engelasgillii.

Vealaheami muosáhan galgá čájehit dakkár konkrehtalaš duodaštusa, man vuodul su sáhtá navdit šaddan vealaheami čuozáhahkan.

Ohcamušas galget boahit ovdan anjke čuovvovaš áššit:

- Ohcci namma ja oktavuohtheadieđut
- Áššáškuhtton olbmo namma ja oktavuohtheadieđut
- Čilgehus nággejuvvon vealaheamis
- Vejolaš vihtaniid muitalusat dáhpáhuvvon áššis
- Máinna ákkain ohcci geahččá nággejuvvon vealaheami dáhpáhuvvon ohcci etnikkalaš duogáža geažil

Ášši giedahallamis guoskaduvvo ovtaveardásašvuohhtalága 17 §:a miel duodáštannoaddenjuolggadus: Jos ohcci ovddida čilgehusa, man vuodul sáhtá navdit ovtaveardásašvuohhtalága 6 §:s mearriduvvon vealahangiellu rihkkojuvvon, de áššáškuhtton galgá duodaštit, ahte giellu ii leat rihkkojuvvon.

Vealahanlávdegotti giedahallanproseassa lea čálalaš.

Vealahanlávdegoddi sáhtá ordnet maid njálmmalaš giedahallama dehe dárkkisteami, jos dat lea ášši čieggadeami várás dárbbášlaš.

Ášši giedahallan vealahanlávdegottis lea nuvtá.

Ohcamuš sáddejuvvo vealahanlávdegoddái čujuhussii:

SYRJINTÄLAUTAKUNTA
PL 26
00023 Valtioneuvosto

Rávdnjeboasta:
syrintalautakunta@intermin.fi

Ovdamearkkat vealahanlávdegotti geldin vealaheamis

- Restauránjii beassan lei gildojuvvon etnikkalaš duogáža geažil
- Vuoddoskuvlla luohkkájuohku lei dahkkon máná riikiifárrenduogáža vuodul, vaikko mánáid giellamáhtu dássi ii lean destejuvvon áššáigullevaččat
- Geldda sosiála- ja dearvvašvuohtadoaimma bargu lei leamaš riikiifárrenduogát áhči guovdu ovdagáttolaš ja vealaheadji
- Dáhkádušfitnodaga geavat olgoriikka riikkavuloži buohcangolldáhkádusa miedihettiin vealahii eahpenjuolgadit, daningo dáhkádušfitnodaga atnin vuogit eai lean áššáigullevaččat ja dárbbaslaččat, dannego fitnodaga dárbbasán dieđut livčče ožžojun ovtaveardásaš meannudeami dáfus dohkáleabbo vugiin
- Gelda ii fállan geldda luomos visttiid visttehis ohcciide sin etnikkalaš duogáža dihte
- Bivttasrámbuvrri bálvalusaid fállu lei vealahan dihto etnikkalaš jovkui gullevaš áššehasaid
- Geldda giddodatfitnodat lei gáibidan dihto etnikkalaš jovkui gullevaš visteohcciin dakkár sierraeavttuid, mat váldoálbmogii gullevaš visteohcciin eai gáibiduvvon
- Gávpot ii čájehan, ahte dat livččii riepman dárbbaslaš doaibmabijuide deavdit lágas mearriduvvon geatnegasvuodáidis sámi mánáid beavedivššu áššáigullevaš ordnema várás, vaikko mánáin lei lágas mearriduvvon vuoigatvuohta beavedikšui iežas eatnigillii ovttalágán vuogi mielde suomagielalaš mánáiguin
- Sámiid ruovttuguvlui gullan suohkan ii lean čájehan, ahte dat livččii riepman dárbbaslaš doaibmabijuide sámeviel dearvvašvuohta- ja vuorasbálvalusaid sihke vuoddoahpahusa áššáigullevaš ordnema várás sámevielalaš álbmogii
- Gávpot ja dan giddodatfitnodat leigga románaduogát orruid orruválljemis čuvvon geavada, mas báikkálaš románakontáktaolbmo bakte lei čilgejuvvon dohkkehago báikkálaš románasearvvuš visteohccin iežas ilmmuhan olbmo fárrema báikegoddái ja sáhtiigo sutnje fállujuvvot dihto visti

Vealahanlávdegotti mearrádušat leat almmustuhtton lávdegotti interneahhta-siidduin: www.syrjintalautakunta.fi

**Syrjintälautakunta, PL 26, 00023 Valtioneuvosto
rávdnjeboasta:
syrjintalautakunta@intermin.fi
Interneahtta:
<http://www.syrjintalautakunta.fi>**